

ذئبة الجبل

نور الدين جلال

النداهة ذئبة الجبل

لا يوجد اخطر من الذئبة عندما تقعد اطفالها

في البداية أريد منك أن تجلس منفرداً في هدوء تام بعيداً عن الضوضاء، لا تجعل شيئاً يشتت انتباهك وتركيزك؛ لأنني سأخذك في رحلة إلى عالم لم تعرفه من قبل، رحلة ستجعلك منبهراً بكل ما تراه فيها، سأخبرك أشياءً لن يخبرك عنها أحد شيئاً، وأقول لك أسراراً ما كان ينبغي على من مثلك أن يعرفها، ولكن قد أن الآون أن تعرفها الآن..

دعني أخبرك أمراً هاماً، أنا لن أستخف بعقلك أبداً؛ لأنني أعرف أنك ذكياً، تستطيع أن تميز بعقلك الجبار بين الأشياء التي تستحق والأشياء التافهة، لقد خلقت بعقل ناقد واع، يستطيع نقد كل شيء وتوجيهه إلى الصواب، لذلك أنت تقرأ هذه القصة التي لم تقرأ مثلها من قبل، ولكي تقرأها كما ينبغي لك أن تقرأها، عليك أن تجلس معي على انفراد، لأن ما ستعلمه لا يجب لغيرك أن

يعلمه..

أعلم أنك تمل سريعاً؛ لذلك لن أطيل عليك، ولكي أجعلك تستمتع بالقصة سنلعب لعبة تعلمتها من أحد أساتذتي، سنلعبها أنا وأنت فقط، ولن يُشاركنا أحد فيها، سألقي أمامك في بداية كل جزء مجموعة من الأوراق، وعليك أنت تنتظر إليها جيداً، وعليك أن تهتم بالترتيب الذي وضعته أنا لهذه الأوراق؛ لأنها ستسهل عليك أحداث هذه القصة الملعونة... نعم الملعونة أنت لم تخطئ القراءة، تسألني لماذا ملعونة؟ ومن الذي لعنها؟ أقول لك لا تضيع الوقت في الأسئلة، كل ما عليك أن تجلس منفرداً وتنتظر جيداً للأوراق الثلاثة التي سأضعها أمامك الآن..

النداهة.....

أمامك الآن ثلاثة أوراق:

الأولى: امرأة ثلاثينية علي وجهها بقع دم تجلس بين جثتين على الأرض

الثانية: صورة نهر كبير ممتلئ بالرجال.

الثالثة: نفس المرأة ترتدي فروة ذئب على كتفها وخلفها جبل كبير.

أنت الآن كونت صورة مختصرة في عقلك عن الحكاية ألم أقل لك أنك ذكيا؟
تعالى معي إلى تلك القرية أريدك أن تتعرف على هؤلاء الأشخاص، لا تخف
فلن يرانا ولن يسمعنا أحد أبدا... اسمح لي أن أقدم لك السيدة (شمايل) امرأة
في غاية الجمال كما تراها هي في عمرها الحادي والثلاثين، وهؤلاء هن
بناتها الصغيرتين.

من أين علمت؟ سأخبرك بعد قليل لا تتعجل.

أنت الآن تتجول معي حيث شيءنا ولا يرانا أحد ولا يسمعنا أحد، وما ينبغي
لأحد أن يرانا أو يسمعنا.. سيمر علينا الزمان أعوام وأعوام ونحن كما نحن
ولن نشعر بها.. لا تخف سوف أعيدك إلى ما كنت عليه...والان لنبدأ الحكاية

* الصعيد الجواني يناير ١٩٥٢ قبل قيام ثورة يوليو *

على حدود ارض كبيرة يعمل بها الفلاحون بجني المحاصيل للحصول على
أجرهم اليومي من صاحبها.. يوجد فتاتين احدهما في عمر ١٥ عاما
والأخرى تقاربها في العمر يظهر قرب اكتمال نضوجهم من شكلهم
وملامحهم التي تشبه والدتهم حيث البشرة البيضاء والعيون الزرقاء والجسد
المتناسق اقتربوا من والدتهم التي تعمل في الأرض مع الفلاحين حينها لاحظ

اقتربهم صديقه والدتهم التي تعمل معها - عديله - ثم قالت بعد ما التفتت
لوالدتهم:

- بناتك الجمر جم يا شمائل.

شمائل: هما فين الجمر دول يا عديلة يجو ايه دول جنب بجية بنات البلد

عديلة: لاااة يا اختي بناتك جمرات ومفيش ف البلد كلاتها ف جمالهم وهما
يعني هيحبوة من برة ما امهم تجول للقمر جوم وانا اجعد مطر حك لولاش
بس الشجا اللي انتي فيه

شمائل: طب فضيها سيرة معيزاش الحديث دية جدام البنيتة معيزاش افتح
عينهم

عديلة: لازم تفتحي عينهم البنيتة كبروا وخراط البنات خرطهم جبل الاوان
وجريب لازم تجوزيهم دة الف مين يتمناهم

شمائل: علي ايه يا حسرة دة احنا منحنكمش علي جرش ساغ ويدوب بنا كل
يوم بيومه دني لو منزلنش الارض وسط الانفار اشتغل مهن الجيش ناكل
واني مجدراش علي شوار البنات دة احنا بنجضي عشاننا نوم.

عديلة: يا خايبة شوفيلك حد من الاعيان يتجوز واحدة من البنيتة ومايخلكيش

تجيبني حاججة واصل وتعيشو مرتاحين كلاتكم دة انتي عندك كنز مدري
ايش بجيمته هو في زي بناتك دة شباب البلاد كالاتها يستمنو بس يتجوزو بت
ف نص جمالهم

شمايل: امسكي الخشب يا ولية عينك الصفرا دي شيليه من على بناتي
منجفينش حسد الله لا يسيجك.

وعندما اصبحوا بجانب والدتهم صاحت بهم قائله بحددة:

- مش جلت جبل سابع تدارو وشكم معيش حد يلحكم واصل يا بتي.

ابنتها الكبرى: ياما الجو حر ومطيجينش الخلجات دي.

شمايل: من هني ورايح مفيش مچي الارض وإن كان علي لجمة الغدا انا
هعملها ل روجي جبل الفجر واخدها معايا واني چاية الأرض.

ابنتها في نفس واحد:

- ياما واحنا عملنا ايه ادينا بنيچي نطمنو عليك ونشوف البلد بدل حبستنا
في الدار ليل نهار.

شمايل: اني جلت اللي عندي من النهاردة مفيش مچي الارض واصل واني

لما اخلص جبل المغرب هاچي واخذكم بيدي نتمشو چمب الترعة نواحي
الدار

طاوعها ابنتيها في حديثها قائلين: امرك يااما

شمايل: مترعلوش مني يا بنات خايفة عليكم احنا ل حالنا بعد ابوكم ما مات
والناس بجت وحشة جوي والى من هيطمع فينا وانتم مبعجوش صغيرين.

البنات: بنزهجوا يا اما من الجعدة في الدار وحيننا.

شمايل: غصب عني يا بنات لجمة العيش صعبة وادينى بشتغل عشانكم
وعشان نممدش يدنا ل لى يسوا واللى ما يسواش اجولكم حاجة كمان لما
ارجع هحكىكم حكاوي زي زمان

صاح ابنتيها في فرحه: ياريت ياما من ساعة ما ابويا مات وانتي مبعجيش
تحكىنا زي زمان.

شمايل: النهاردة هحكىكم حكاية النداهة اللى بتخطف الرچالة وتاخذهم في
دارها تحت الترعة.

ابنتها الصغرى بحماس: بجد ياما طب متاخريش دة احنا هنستوكي جدام
باب الدار..

غادرت ابنتي شمائل الارض ولم يلاحظوا تلك العيون الصقرية التي كانت تنظر اليهم.

مرت ايام ومازالت شمائل تمنع ابنتيها من الخروج والمجيء لها بطعامها التي كانت تحضره قبل خروجها من المنزل و تحمله معها في "البهجة" وهي قطعة قماش تضع فيها النساء الملابس او اى متعلقات وتربطهم كالحقيبة لتتمكن من حملها بسهولة ثم تذهب الى الارض حتى يأتي موعد الغداء ثم تتناولهم.. بادرت عديلة التي لاحظت عدم مجيئهم متسائلة:

- خير يا شمائل البنيتة مبقاش ياچو الارض ليه هما فيهم حاجة عفشة حاكم اليومين دول المرض بياكل ف البلد كييف النار؟

شمائل: لااه الحمدلله البنيتة زينين ياكش بس أنى اللي منعتهم م الخروج م الدار لحد ما ارجع م الارض.

عديلة: ليه كدي يا اختي دي حتي بناتك زي البلسم ومفيش في طبيبتهم ما يتخير وش عنكي واصل.

شمائل: تسلمي يا حبيبتي بس اني خايفة عليهم ما انتي خابرة من يوم ما مات المرحوم ابوهم وعمهم اكل ورثهم داهية تاخدو وأكل مال اليتيم وادينا

عائشيين واني شغالة ويدوب بجيبيلهم اللجمة اللي ياكلها والحمد لله مستورة بس الناس كييف الديابة واخاف حد يتعرضلهم ولا يضايجهم من ولاد بلدنا عديلة: يا اختي عليكي وعلي خوفك دي البنيتة يعني حلوين وجمرات بس ما تحبسيهوش ف الدار كدة يطهجو يا اختي لازم تروحي عنيهم هبابة.

شمايل: والله يا عديلة يا اختي بعد ما بخلص الارض بروح حيلي مهدود الميغرب وباخدم امشيهم نواحي الترعة كدي نجعد هبابة واول ما الشمس تروح خالص والليل يدخل برجعهم الدار.

عديلة: خلاص يا اختي طالما كدي مرتاحة يبجي زين المهم خلي بالك من صحتك عمالة تهلكي روحك ف الارض كأوانها بتاعة ابوكي اشحال ان مكنش البية بيدينا يومية كيف التراب وأجل من كل البلاد اللي حولينا واحنا راضيين وساكتين عشان هو البيه صاحب الاراضي والاطيان واحنا طوع امرة يا بت.

شمايل: أنى براعي ربنا ف رزج عيالي وبشتغل علي جد ما اجدر وما بوفرش صحتي حاكم اللي يتكاسل عن الشغل ربنا بيتليه بالتعب صوح.

في اليوم التالي عادت الى منزلها ولم تجد ابنتيها ينتظرونها ك حال كل يوم فتقدمت ونظرت باستغراب حينما وجدت الباب شبه مغلق.. فخمنت انهم

يلعبون بالداخل تاركين الباب خلفهم لعلمهم بمجيئها تقدمت اكثر للداخل وهي منقبضة القلب لشعورها بوجود شيء ما خاطئ وصدق حدسها حينما دخلت الغرفة ووجدت بناتها غارقين في دمائهم فاقتربت منها محاوله ان تعرف اذا ما كانوا على قيد الحياة ام لا لكنها وجدتهم فارقوا الحياه فصرخت صرخه من اعماق قلبها.. جعلت جيرانها يجتمون حولها محاولين تهدئتها وهي تقاومهم من ل الوصول الى بناتها ولكن خفت مقاومتها حين لمحت شيء ما ملقي علي الارض ف اقتربت منه و تناولته بسرعه مخفيه اياه في ملابسها دون ان يراها احد

ابغ العمده المركز الذي أرسل قوه للتحقيق في تلك الجريمة فاتي ضابط محدثا شمائل قائلا لها:

- تتهمي مين يا ست ف قتل بناتك؟

شمائل: مفيش يا بيه.

الضابط: هل في بينك وبين اي حد عداوة سابقة؟

شمائل: مفيش يا بيه.

الضابط: هل حصل بينك وبين اي حد مشادة او خناقة ف الايام الاخيرة؟
شمايل: مفيش يا بيه.

الضابط: العمدة بلغني ان حصل بينك وبين أخو المرحوم جوزك مشاكل علي الميراث لانه اخذ حق بناتك ومدكوش اي حاجة.

شمايل: مصارين البطن بتتعارك يا بية واحنا مهما كان أهل بردك ودول لحمو

الضابط: اتكلمي يا ست ومتخافيش من حاجة محدش هيقدر يعملك اي حاجة احنا هنحميكي ونجبلك حق بناتك بس قولي اي حاجة تعرفيها.

شمايل: الحامي هو الله يا بية وان كان على حج البنات ف الله وحدة هيجيب حجهم.

الضابط: لو انتي عارفة القائل او شاكة ف حد قولي محدش هيقدر ياخذ بتارك انتي على حسب مافهمت من العمدة ست وحدانية واخو جوزك مالوش علاقة بيكم.

شمايل: كأيوانك لسه متعين جديد حدانا يا بية وما تعرفش ان الست فالصعيد

ب ١٠٠ راجل وان الطار لو مفيش راجل ياخدة ف الست حدانا تجوم بألف رجل ولا يههما.

الضابط: يعني انتي بتعترفي أنك عارفة القاتل وناوية على الاخد بالطار؟

شمايل: لا ااه يا بية انا برد علي حديثك لما انت بتجول محداكيش راجل ياخذ بالطار.. لكن اني معرفاش مين اللي عملها والا كان زمني نهشته بسناني ورميته ديابة الجبل.

الضابط: اقلل المحضر في ساعته وتاريخه مع عمل تحريات للوصول للفاعل.. ست شمايل ياريت تصارحيني وانا هساعدك اللي عمل الجريمة دي لازم يتعاقب.

شمايل: أعجاب الخالج اجوي واشد من عجاب الخلج.. فتك بعافية يا بية البنيّة لازم يدفنو وحكيم الصحة طلع التصريح بالدفن..

تمت اجراءات الدفن وقامت شمايل بدفن بناتها عانده الى منزلها مغلقه بابها خلفها رافضه استقبال اي من النساء الأتيين لتعزيتها

في اليوم التالي

ذهبت شمائل الى عملها مرتديه ملابس العمل غير مبالية بنظرات الاستغراب التي ترمقها بها النساء حتى وصلت الى موزع الانفار متسائلة عن الأرض التي ستعمل بها فنظر إليها هو الآخر باستغراب لعلمه بما حدث كباقي أهل البلد لكنه دلها على الأرض التي ستعمل بها التي كانت تعمل بها ايضا وصديقتها عديله والتي ما أنا رأيتها تقترب حتى اقتربت منها هي الأخرى
قائلة:

- ملكيش حج يا اختي ازاى تنزلي ف يوم زاي دي وكمان چينالك انا والحريم عشية وفضلنا نندة ونخبط عليكى مردتيش علينا ولا فتحتي باب الدار ليه كدي يا اختي ده انا عديلة حبيبتيك واختك وان مكتش اني اجف چارك مين يجف.

شمائل: معلش يا اختي اللي حصل مش جليل واني من التعب محستش بحالي ووجعت من طولي في الدار ومحستش بروحي غير مع طلعة الشمس..

عديلة: ربنا يجويكي يا حبيبتي ويرحم البنيتة والله ما كانوا يستاهلون اللي حوصل دية ربنا يتولاهم برحمته ويصبرك يا غالية.

شمائل: تعيشي يا عديلة يا اختي.

عديلة: بيحولو انك جلتى للظابط مش هتخدي عزاء وهتاخدي بطار بناتك
وأنتك خابرة مين اللي عملها؟

شمايل: كذب يا اختي انا زي ما قللتك ليلة عشية وجعت من طولي عشان
كدي مستجبلتش الحريم ف الدار لما نخلص شغل الارض اني همشي بدري
وافتح الدار استنا الحريم وانتي خلصي وتعالى يا ختي.

عديلة: ماشي يا شمايل اول ما اخلص شغل الارض هچيلك طوالي يا اختي
احنا بردو خوات ومالناش الا بعض انتي مش صاحبتى بس يا بت دة انت
زيك زيك اختي تمام.

شمايل: خابرة زين يا عديلة وربنا وحدة يعلم باللي في الجلب.

اخر اليوم استأذنت شمايل قبل موعيد رحيلها بساعه من موزع الانفار لكنه
سمح لها بالذهاب لعلمه بظروفها.. كما انتهت عديله عملها ثم ذهبت الى
شمايل في منزلها ووجدت الباب شبه مغلق ولم يوجد أحد فدفعته وهي تتنادي
علي شمايل ثم شعرت بعدها بخبطه قويه على راسها وحينما أفاقته وجدت
نفسها مقيدة الايدي والرجلين على مقعد وموضوع على فمها لاصق يمنعها
من الحديث مرتدية ملابس غير التي انت بها وحينما دققت وجدتها ملابس
العمل التابعة لشمايل..

دلفت شمايل الى الغرغه قائله:

- صح النوم يا عديلة زين انك فوجتي كنت چاية افوجك.

اخذت عديله تههم بصوت مكتوم محاولة الحديث لكن يمنعهما اللاصق الموضوع على فمها.

شمايل: بصي يا عديلة قدامك حل من التتين يا تجوليلي عملتي كدي لية ف بناتي يا هجتك وسرك يروح معاكي ونتجالبو ف الاخرة يا حبيبتي..

اخذت عديله تتلوى محاولة الفكاك من برائن شمايل

شمايل: ماتحاوليش اني رابطاكي كيف ما المرحوم چوزي علمني ما انتي خابرة بجا كان ف الجبهادية.

امسكت شمايل السكين وهي تقربها من وجه عديله قائله:

- اني هفك خشمك وحسك عينك صوتك يطلع والا هجتك وعليا وعلني اعدائي انا مبيجاش على حاجة في الدنيا بعد بناتي اللي خذتهم مني.

وضعت شمايل السكين على رقبه تعديله ثم اقتربت منها قائله بتهديد: ها يا عديلة هتجولي جتلتهم لية واخلص عليك ل حالك ولا اجتلك دلوك وبعدها

أخلص علي طوزك و ولدك الصغير واهو ينوسوكي في تربتك دة لو
لحبتيلك تربة تشيلك؟

عديلة بصوت خائف: والله يا شمائل أنى مجتلت بناتك ولا لمست شعرة
مينيهم.

شمائل: طب ومنديلك دية كان بيعمل ايه في داري ميش دية منديل راسك
بردو يا عديلة ولا اني هتوه عنية انطجي والا جسما عظاما هروح اچيب
وللك دلوک واجتلة جدام عينك عشان تيعرفي حرجة الضنة.

عديلة: لا والنبي اني هجولك علي كل حاجة.

شمائل: زين يا عديلة انطجي وملتوعينيش في الحديث اديكي واعية وخبرة
اني هعمل ايه لو لچيتك بتلوعيني.

عديلة: اني مجتلتش البنيتة والله العظيم ما حوصل اني هجولك الحكاية من
اولها.. اني بشتغل ف الارض معاكي زي بجية الحريم و ناظر الارض
بتاعة البيت بيچيني يجولي الحورمة فلانة عايزك تتحدثي معاها عايزها الليلة
وهديها جرشين زين وبيديني اني كمان جرشين يبشيشو العيشة علينا اني
وجوزي و ولدي والحريم فيهم اللي بتجبل وفيهم اللي بترفض واللي بترفض

بيجطع عيشها من الارض وماتلجيش تاكلي او تشتغل ف حتة ف بترجع
وتوافج على اللي جولتها عليه وتروح ل ناظر الارض.

شمايل: واني ايه دخل بناتي بالحديت دية انطجي عملوك اية البنيتة عشان
تجتليهم وبلاها لوع الحديت؟
عديلة: وهجولك والله يا شمايل.

#كلاب-جائعة

فلاش باك..

ناظر الارض: بت يا عديلة خدي هني يا بت مين البنيتة الحلوين دول اللي
كانو واجفين معاكي انتي والبت شمايل؟
عديلة: دول بنات شمايل يا سي الناظر.

ناظر الارض: طيب خدي دول وشوفيلك صرفة اني عايزهم في ظرف
يومين.

عديلة: ازاي بس دة لا ممكن ابدأ دول بنتة صغار ومايعرفوش حاجة
وهيفضحونا سبني بس الليلة وبكرة هكون جيبالك ست الستات اللي تعجبك
وتملا مزاجك.

ناظر الارض: البننة دول يا عديلة يا اما مالكيش عيش حدانا وتسيبي البلد
كلاتها عشان اني هجول عليكى مرة خاينة و عرضتى نفسك عليا عشان ازود
اچرتك واني رفضت ومشيتك م الارض.

عديلة: حرام عليك يا سي الناظر اني معملتش حاجة.

ناظر الارض: وهو اللي بنعملة دة حلال يا بت فوجي ل روحك واسمعي
الحديث ومعاكى يومين تدبري فيهم حالك وتجبيلي البننة لحد الدار الشرجية.

عديلة: حاضر يا سي الناظر اللي تؤمر بية.

ناظر الارض: ايوة كدي يا عديلة خليكي واعية وعارفة مصلحتك زين.
باك..

عديلة: وبعدها مكنش عارفة اعمل ايه البننة مالهمش ف حاجة واصل هما
صحيح شكلهم وجسمهم خراط البنات مزود فية الحلاوة بس لسة صغار
ومدريانىش بالدنيا واللي فيها ولما ملجتش حل روحنلة وجلتلة مايبخرچوش
م الدار جالي خلاص تروحي لهم وتجعدي معاهم وتسجيهم الدواء دة ف اي
حاجة هينامو مش هيحسو بحاجة واني هخلص واخرج طوالي ولا من شاف
ولا من دري .

شمايل: كملي يا عديلة اتخرستي ليه جوليلي حوصل اية يا واكله ناسك عشان الجروش يا عديمة الشرف؟

عديلة: جيت للبننة هني وانتي كنتي شغال ف محصول تاني مش معايا ف الارض والناظر اللي وزعك كدي عشان ماتشوفينيش وجيت للبننة الدار وفتحولي وجعدت معاهم وشربتهم الدوا ف شربات جبنة معايا ولما لجيتهم نامو خرچت لجيت الناظر واجف بعيد سبت باب الدار موارد ومشيت علي داري طوالي وبعدها سمعت الخبر ان البننة اتجتلو.

شمايل: يعني ناظر الارض هو اللي جتل بناتي يا عديلة؟

عديلة: اي والله يا شمايل واني والله ما جيت جارهم وسبتهم سولام.

شمايل: سلمتيم ل ضبع خسيس وتجوليلي سبتهم سولام يا عديلة اني معهملش زيك واجتل ولدك بس اللي زيك مش لازم يعيش عشان مايزيكش تاني انتي اللي زيك مكانة جهنم وكفاياكي لحد كدي..

عديلة: ابوس يدك ارحمييني يا شمايل اني مجتلتش بناتك.. ابوس يدك سبيني اعيش واربي ولدي واني هسيب البلد كلاتها.

شمايل: الديبة صحيت يا عديلة ومهترحمش حد جتل عيالها.

وفجأه ضربت شمائل عديلة بشيء ثقيل ادي الي فقدانها الوعي

.. ثم دخلت الى غرفتها واحضرت دلو يوجد به سمك في ماء ثم قربت الدلو من راس عديله واسقطت وجهها فيها تاركا السمك يدخل اسنانه في وجهها وظلت هكذا لمدته ساعه كامله حتى تشوه وجه عديله بالكامل.. ثم اغرقته بماء وملح حتى تختفي معالم وجهها..

انتظرت شمائل الي اخر الليل واحضرت حمارا وضعت عليه عديله بعد ما القتها داخل حصيره ثم ذهبت بها الي الترعة وقامت بالقائها على الشاطئ فجرقتها المياه فيتبين للرأي أنها ليس بفعل فاعل

صباحاً

اجتمعت الناس حول جثمان عديله الغير ظاهر الملامح وكان من ضمنهم بعض النسوة اللاتي تعرفن على ملابس شمائل التي ترتديها عديله فقالوا مؤكداين شمائل وانها القت بنفسها بعد ما حدث الي بناتها ولم يتعرف أحد على عديله نظرا لتقارب التكوين الجسماني بينهم.

ليلاً..

كان ناظر الارض عائدا وهو يترنح في مشيته دليلا على أنها غير واع..
وبمجرد ان فتح بابه منزله شعر بأحد يكتم انفاسه ولم يشعر بنفسه الا حينما
فتح عيناه ووجد نفسه مقيدا على مقعد موضوع داخل فمه قماشه تمنعه من
الحديث.

شمايل: نهشت لحمي ليه وجتلت بناتي ودبحتهم كيف الفراخ اللي مالهاش
صاحب.

حاول ناظر الارض المقاومة والفرار بنفسه لكن لم يعرف حيث ان شمايل
كانت قيدتة بقوة

شمايل: اني هفك خشمك وحسك عينك صوتك يعلي والا هجطع لسانك
وارمية للكلاب.

الناظر: انتي غرجتي في الترة انتي عفريته انتي عايزة مني ايه اني
معملتش حاجة واصل؟

شمايل: ما عفريت الا بني ادم.. عديلة جالت لي على كل حاجة. وان انتا
اللي جتلت بناتي بعد ما نهشت شرفي يا خسيس.

الناظر: كدابة اني مجتلنش حد ولا جربت ناحية بناتك من اساسه.

شمايل: عليا اني الحديث دة يا چبان انطق بجولك عديلة جالت علي النساوين اللي كنت بتديها فلوس وتاخذ مزاجك مينيها.. وان انت اللي اتفجت معاها تخرر البنيتة عشان تعمل عملتك يا خسيس..

الناظر: عديلة دي كدابة والله يا شمايل اسمعي الحديث دي والله اني ما جتلت بناتك ولا هوبت يمتهم.

شمايل: اني هجطع لسانك الوسخ دي دلوك علشان انت كلب ولازمن تبجا اخرس زي الكلاب اللي اوسخهم انصف مينيك يا چبان.

اقتربت منه وهي تضع السكين علي عنقه فصرخ الناظر بهلع قائلا:

- استني ابوس يدك يا شمايل اني هجولك.

شمايل: زين شوفت بجا انك هتسمع الحديث خليك كيف الكلب المطيع وجول الحجيبة عشان اني مهجتلكش الا لما اسمع منك كل حاجة.

الناظر: اني مهوبنش يمة بناتك ولا جتلنتهم اني كل اللي بعملة ان بشكاتب البية بيجيلي يجولي عايز البت فلانة ف بخلي عديلة تجيبها بالفلوس من غير ما اعرفها ان البشكاتب هو اللي عايزها و عديلة بتخليهم يوافقو واللي ما

توافجش بنجطع عيشها ونمشيها من الارض وكلاتهم بياچو الدار الشرجية بس المرة دي البشكاتب طلب بناتك واني مجدرش اجولة لالااه وفضلت ازن علي عديلة لحد ما اديتها الدوا وهي راحتهم الدار واني كنتي مستيتها برة و اول ما خرجت وشاروتلي روجت للبشكاتب جلتلة ومشيت علي الارض ومعرفش حاجة واصل ومكتش اعريف انة هيجتلهم..

شمايل: يعني انت كمان مجتلنلش بناتي وعديلة مجتلتهمش ودلوك انتا بتجولي الباشكاتب؟

الناظر: جسما بالله هو دية اللي حوصل يا شمايل.

شمايل: اخرس ما تذكرش ربنا على لسانك النجس دي يا خسيس.

ضربته شمايل على راسه ضربه أدت الى فقدانه للوعي ووضعته في حصيره وحملته فوق حمار وذهبت الى التربة والقتة بها ولم ترحل الا حينما تاكدت انه غرق ثم تحركت متوجها الى منزل الباشكاتب حتى تستكمل باقي انتقامها.

في منزل الباشكاتب قبل الفجر..

كان نائم في سريره ثم فتح عيناه وجد السكين موضوع على رقبته وشمايل

تتظر اليه حاول القيام لكنها قامت بتشديد يدها على السكين في اشارته واضحة له فهذا وجلس مكانه.. لكنه نظر اليها قائلاً بحدته:

- انتي مين وعايزة اية يا ست انتي؟.

شمايل: اني النداهة اللي هتخلص عليكم كلاتكم واحد خسيس والتاني ضبع بينههش عرض الولايا واخرة المتممة جتل بناتي بعد ما نهش عرضهم.. عايز تعريف اني مين.. اني الديبة اللي جتلنو عيالها انت والناظر وعديلة ودلوك وجت الحساب.

الباشكاتب: انا معرفش انتي بتتكلمي عن ايه يا ست انتي امشي اطلعي برة احسن ما احبسك انا باشاكتاب البيت يعني مش قليل ف بلدكم دي ف لو جاية تسرقني حاجة احسنلك امشي من سكات.

شمايل: لاااه صدجتك اني كدي وخلاص هاخذ حالي وامشي من هني.. انجك يا ولد المحروج انت اللي نهشت بناتي وجتلتهم ولاا لااااه؟

الباشكاتب: بناتك مين يا ست يا مجنونة انتي انا معرفش انتي بتتكلمي عن ايه.

شمايل: حيث كدي بجا يبجا لازم تحصل الناظر في جعر الترعة مطرح

مهو متلجح واهو هو يجولك بنات مين يا خسيس..

البشكاتب: انتي قتلتى ناظر الارض؟؟

شمايل: هو وعديلة كمان.. دلوك هيكون دورك لو منطجطش لكن لو نطجت هسلمك للميركز وهما يتصرفو وياالك و وادي كلمتي اني مش هجتلك دلوك بس جولي الحجيجة والا جسما بالله هجطعك و اكبر حته فيك هتكون اصغر من صابع يدي الصغير.

نظر اليها الباشكاتب بتكبير وحسب حسبته ووجد انه من الافضل ان يتكلم ثم تسلمه بعدها الى المركز وحينها سيخرج.

ولم يقدروا على محاكمته لانه على علم اليقين ان البية لن يتخلى عنه ولن يدعهم يفعلوا معه شيئاً.

شمايل: انطوج السمس جربت تطلع.

البشكاتب: انا معملتش حاجة ف بناتك انا كنت بساعد البيت بس وهو اللي اعتدي على بناتك وانا كنت معاة ف البيت بس البنات فاقو اول ما البية خلاص هيمشي وشافوة في مكنش قدامة حل غير انة يقتلهم علشان مايتقضحش ف البلد.

شمايل: يعني انتا عايز تجولي ان البيت هو اللي ورا كل دية وان هو اللي
جتل بناتي بعد ما نهش شرفهم؟

البشكاتب: اة والله يا ست وانا مكنتش عارف اعمل اية.

شمايل: وهو البية شاف بناتي فين؟

البشكاتب: ف الارض كنا واقفين سوا ف شافهم وعجوبة اووي ف شاورلي
عليهم وانا روحت للناظر علشان يجبهم للبية زي ما بيحب الحريم وهو مفكر
انهم ليا انا علشان الببية ما يظهرش في الصورة اي ست بتعجبة بينولها مهما
كان.

شمايل: وانت سكت ليه هو مش الساكت عن الحج شيطان اخرس بردو يا
بتاع المدارس؟

البشكاتب: هو هددني لو اتكلمت هيخليني احصلهم بس طالما هتبلغي المركز
بيقا هما هيحموني منة.

شمايل: لا مؤاخذة يا حضرة البشكاتب ميركز اية اللي هتجولة عليه دي؟

البشكاتب: انتي مش وعدتيني هتبلغي المركز وتسلميني ليهم؟

شمايل: مرحب بيك ف الصعيد يا بتاع مصر هني مفيش طار بيجيوية الميركز احنا بناخد طارنا بيدنا واني حورمة بس الله في سماة م هخلي راجل نهش لحم بناتي وسيح دمهم يعيش ولازمن اخد بطارهم من كل اللي مد يدة ف العملة دي.

البشكاتب: بس انا مقتلتهمش ولا لمستهم.. البية هو اللي عمل كل حاجة انا كنت مجرد ستارة بيستخبي وراها..

شمايل: متجلجش يا حضرة البشكاتب البية هيحصلك جريب وابجو اتصافو كلاتكم مع بعضيكم ف جهنم.

الشكاتب: لو فاكرة انك هتقدري توصلي للبية تبقي غلطانة.. البية محاوط القصر بتاعة رجالة كثير مستحيل تقدري تعديهم ولما يعرف بموتي انا والناظر هيشك ان في حاجة غلط وهيزود الحراسة.. بلاش تقتليني وسلميني للمركز انتي طارك مع البية مش معايا.

شمايل: الطار من كل من مد يدة ف العملة دي كأيو انك يعني كت مع البية في داري ومكتش ناوي تعمل حاجة انتم شركاء واكيد كنت ناوي تنهش بناتي لولا هو سبجك وجتلهم دة لو مكتش نهشتهم جبلية واني مهعرفش الحجيجة

ولا عايزة اعريفها اللي اعرفه أنك هتموت دلوك والبيه بتاعك هيحصلك جريب انت والناظر وعديلة.

فعلت شمائل معه كما فعلت مع الناظر و ضربته على راسه وفقد الوعي حملته والفته في الترعه ليكون مصيره كمصير الناظر..

بعد عده ايام

ظهر جثمان الناظر ومن بعده ده جثمان الباشكاتب واصبحت سيرتهم محور الحديث ليلا ونهارا واصبحت النداهه اسطوره يتحاكي بها الناس ويخاف منها الكبار قبل الصغار.

علم البيه بما حدث و علم ان هناك شيئا خاطئ يحدث فدب القلق بقلبه وامر بزياده الحراسة على قصره.

مرت ايام وهدأت الاوضاع في البلد.. لكن اصبح الناس يخافون فكره الاقتراب من الترعه وتجنبوا الذهاب اليها وخصوصا ليلا..

وفي يوم عاد البيه من مصر متاخراً، شبه غائب عن الوعي نظرا لما تناوله من خمور لكنه افاق حينما وجد فرع شجره كبير موضوع على الطريق امام السيارة وهبط منها ليري ماذا يحدث ليشعر بوجود سكين في ظهره

شمايل: مرحب بالبيت اللي مزاجه ف اي حته سواء مصر او الصعيد
مايهموش ما كلاتنا عبيد عندية وخدامين رجالية.

البيهة: انتي مين يا ولية وعايزة ايه انا البيه صاحب البلاد دي كلها؟؟

شمايل: صاحب النفوس ربنا يا بيهة انت حياله تملك الارض لكن متملكش
النفس اللي خلجها ربنا.

البيهة: عايزة ايه يا ولية احسن ما اقتلك هنا ومحدش يعرفك طريق.

شمايل: اني اللي هجتلك هني زي ما جتلت بناتي بعد ما نهشت شرفهم.

البيهة: بنات مين اللي قتلتهم يا ولية يا مهبوشة انتي؟

شمايل: لف بوشك وبصلي يا بيهة وانت تعريف بنات ايه.

دار البيهه فجأه ثم اخرج سلاحه بسرعة ووجه رصاصه ناحية شمايل إصابة
كتفها وفقدت توازنها ملقاه علي الارض

البيت: دلوقتي افنكرت بناتك كانوا حلوين زيك واستمتعت بيها اووي حظهم
أن مفعول المخدر خلص وصحيت قبل ما امشى في كان لازم اخلص منهم
زي ما هخلص منك دلوقتي وينتهي الموضوع.. دلوقتي اتأكدت ان الناظر
و البشكاتب ماتوا مقتولين مش غرقانين ولا النداهة ندهتهم زي ما اهل البلد

قالو.. بس مكنتش قادر اعرف اللي حصل ولا اعرف مين قتلهم.. بس برافو عليكم عمليتها من غير ولا دليل عليكي ودلوقتي جة دورك علشان تموتي وبردو هرمي جتتك ف الترعة طالما بتحببها اووي كدة.

زحفت شمائل بعيدا محاولة النجاه بنفسها هو يقترب منها لكنه تقاجئ بها تلقى سكين ناحيته فعلم الان أنها كانت تزحف حتى تصل اليه لكنه لم يرها بسبب سوء الاضاءه وفي نفس اللحظة التي استقرت بها السكين في بطنه جاء صوت طلقه مرت من جانب شمائل.. التي شعرت بالراحه بعدما انتقمت لبناتها فاغضت عيناها ثم فقدت وعيها

فتحت شمائل عينيها وجدت نفسها نائمه واحد داوي جرحها وتوجد في مكان يشبه المغاره ومليء بالحجاره فسالت نفسها:

- اني فين واية اللي جنبني هني؟

اتي رجلا من بعيد قائلا باطمئنان: انتي ف الجبل واطمني محدش كشف حاجة فيكي اللي طيب چرحرك واحدة من حريمنا هني.

شمائل:: اني هني لية؟ واننا مين؟ وعايز مني ايه؟

الرجل: اني سباعي كبير المطاريد.. وكنت ماشي اني ورجالتي بالحصنة

وسمعتنا ضرب النار في جينا ناحيتة ع بصحيح بس ب ١٠٠ راجل..

شمايل: اني عايزة امشي من هني.

سباعي: تمشي تروحي فين البلد كلاتها مجلوبها انتي خلاص هتعيشي هني

معانا.. مجولتليش نندهولك ب اية اني معرفش اسمك لحد دلوك؟؟

شمايل: الديبة.. ديبية الجبل

حسناً أترى؟.. حان دوري الآن، سوف أتركك وأعود لك في أي وقت لاحق

فلا تتعجل مجيئي قد آتي إليك في أي وقت وعليك أن تتفرغ لرحلتك معي؛

لأنك ستستمع معي كثيراً وستتعلم مني كثيراً.. تسألني من أنا؟

أنا ولهان حارس الاسرار إلى اللقاء يا عزيزي في حكايات واسرار جديدة
